



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 78. Hæc Pontificis Constitutio a Facultate Parisiensi recepta.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII.  
A. C. 1705.

## §. LXXVIII.

*Hæc Pontificis Constitutio a Facultate Parisiensi recepta.*

Sub idem ferme tempus Ludovicus XIV. Franciæ Rex ad Parisiensem Facultatem Theologicam die trigesima Augusti literas dedit, quibus Facultatis Doctõribus injunxit, ut Constitutionem Pontificiam executioni darent, atque in Theſibus & prælectionibus tam Philoſophicis quam Theologicis nihil decisionibus in præſata Constitutione contentis contrarium tradant, doceantque: Hanc epistolam Cardinalis Noallius Parisiensis Archiepiſcopus Francisco Joiselio Decano, sex aliis Magiſtris, & Virantio Facultatis Syndico, quos ad se accerſiverat, unacum Pontificis Constitutione tradidit, ſignificavitque, *mentem Regis eſſe, ut S. Facultas quocunque negotio ad alia comitia remiſſo, in hodiernis vacet recipiendæ præſatæ conſtitutioni, iisque præcipiendis & ſtatuendis, quibus illa totam obtineat in Scholis Theologicis cum debita reverentia auctoritatem.* Ea res Decanum ſumma affecit lætitia, eo potiffimum nomine, quod, cum e manibus Innocentii decimi primam adverſus Janſenianam hæreſin Conſtitutionem, jam elapſis

Sæc. XVII. lapsis abhinc annis quinquaginta duobus accepisset, nunc quoque solemnem Clementis undecimi Bullam (quæ ultimum videretur futurum esse Ecclesie super ea re iudicium) ad Sacram Facultatem deferre possit.

Postea tam Regis epistolam, quam Papæ Bullam prælegendam Facultati tradidit, quibus reverenter auditis Syndicus hæc effatus est. „Felix est dies hæc, nec satis lætari possunt Sacerdotes & Doctores, quod Rex gloriosissimus immensus occupatus Regni negotiis, simul etiam ad omne Religionis & Ecclesie bonum intentus tanta sollicitudine incubuerit imperandæ a sancta Sede necessariæ Constitutioni, ac tam prompto animo curet, ut illa ab omnibus religiose, quamprimum observetur; quod autem eam vim ab Illustrissimis Galliarum Episcopis receptam, necdum publici juris factam unacum regalibus literis ad Sacram Facultatem transmiserit, perhonorificum est Regiæ in Theologiam Parisiensem singularis benignitatis & benevolentie testimonium. Ab annis quinquaginta & amplius vexari Ecclesiam pertinacis hæresis molestissima factione: pugnare adversus rebelles acriter & magna cum laude Sacram Facultatem, nemo est,

„est, qui ignoret: nondum hodie Va- Sæc. XVII.  
 „tico e colle emittitur præsidium, A. C. 1705.  
 „quo tandem contumaciam omnem ce-  
 „dere necesse sit, & vinci; exhaustum  
 „jam videbatur omni ex parte nego-  
 „tium, imo & ita finita caussa, ut non  
 „possit non esse finitus error, si quis  
 „errantibus pudor supersit, ita a sum-  
 „mo Pontifice conditum est, & con-  
 „cinnatum diploma Apostolicum, ut,  
 „quod tenendum sit, plene adstruat,  
 „quod autem fugiendum, longe arceat,  
 „cavillos prævertat, & dissipet, dicta  
 „omnia priorum Pontificum ab injuria  
 „vindictet, & concordem in iis verita-  
 „tis defensionem demonstret, assensum-  
 „que & obsequium victricis Sapiaentia  
 „simul alliciat, & imperet, omnia Sa-  
 „cræ Constitutionis verba librata sunt  
 „lance fidei, & Christianæ prudentiæ,  
 „sententias sublimes æque ac lucidas,  
 „errorum censuram fortem, ac certo  
 „ferientem, doctrinam denique solida  
 „a Perta excisam, & Apostolico fulgore  
 „corruscantem videmus, non potest  
 „non agnosci mens, animus, stylus  
 „ipse Sanctissimi Ecclesiæ capitis pro-  
 „prio ore sacra fundentis oracula, &  
 „ipsa Apostolica manu veneranda toti  
 „orbi Christiano rescripta delineantis,  
 „spirant cuncta totum a seipso expref-  
 „sum magnum Clementem hoc studio  
 „vin-

**Sæc. XVII.** „vindicanæ & asserendæ fidei, hoc  
**A. C. 1705.** „vigore authoritatis, hac moderatione  
 „Sapientiæ, hac majestate eloqui,  
 „hac sincera & aperta, quam docet  
 „omnibusque præscribit professione ve-  
 „ritatis, cæterum non mediocri esse  
 „deberet Parisiensibus Doctoribus so-  
 „lacio, & ad tuendam, quam sectantur  
 „student, fidei puritatem, incitamen-  
 „to, quod ipsorum deliberatio Kalen-  
 „dis Septembribus anni præteriti ha-  
 „bita ita huic recenti Clementis un-  
 „decimi Sanctiõni consona sit, ut jam  
 „pollint merito gloriari a se traditam  
 „fuisse, & commendatam doctrinam  
 „vere Apostolicam, dico, finem dicendi  
 „nullum fore, si sacrae Constitutionis lin-  
 „gula capita prædicentur, moras ne-  
 „cundas non esse pietati Magistrorum  
 „properantium ad commune officium  
 „Bullam laudari melius non posse,  
 „quam prompto, candido, integroque  
 „obsequio, Syndici quidem hac in parte  
 „necessarium non esse ministerium  
 „ipsius postulationes, & rogationes  
 „præverti votis communibus; ne quibus  
 „tamen solitis desit solemnitatibus &  
 „formulis, postulo, ut Sacra Facultas  
 „solemni Decreto recipiat præfatam  
 „Bullam, eamque referri jubeat un-  
 „cum Epistola Regis, suos in commen-  
 „tarios, & provideat strictis cautioni-  
 „bus,

„bus, ne quis unquam illam uſa ex parte violare præſumat, ac tandem decernat, publicas Regi optimo & Religioſiſſimo gratulationes.,”

Sæc. XVII.  
A. C. 1705.

Absoluta hac oratione Decanus unacum ducentis Doctõribus unanimi ſuffragio, ſumma cum reverentia & religione I. recepit, & amplexa eſt Conſtitutionem S. Pontificis Clementis undecimi . . . . juſſitque, ut addita mentione ſingularis obſervantiæ, & alacris obedienciæ referretur unacum literis Regiis in Tabulas, & in acta publica Sacræ Facultatis.

II. Præcepit omnibus & ſingulis Magiſtris, Doctõribus, & Baccalaureis ut eam colant, & obſervent, prohibuitque ſub pœna ipſo facto incurrenda excluſionis ab omni gradu, & ſpe Magiſterii, ne quis dicto, ſcripto factove definitis in dicta Bulla ullatenus adverſetur.

III. Statuit adeundum eſſe per ſeſe Seniores, & Syndicum, Eminentiſſimum Pariſienſem Archipræſulem, ipſique renuntiandum, quid Decretum hodie fuerit a Sacra Facultate, & ſimul reverenter ſignificandum, maxime in votis eſſe Sacræ Facultatis, ut ſaltem per Venerabilem D. Decanum, & Deputatos poſſit Regi coram gratulari Zelum, quo fidem, Eccleſiamque protegit, & ſingularem, qua in præſenti

*Hift. Eccleſ. Tom. LXVII.* S ſenti

Sæc. XVII. A. C. 1705. senti negotio erga Sacram Facultatem usus est, bonitatem & benevolentiam; tum denique actis Eminentissimo Archipræsuli maximis gratiis ob continuam ipsius de Sapientissimo ordine bene merendi voluntatem, ipsi supplicandum esse, ut interposito apud Sanctam Sedem officio certiores faciat beatissimum Pontificem, quam prompto obsequio, quam sincero plausu, quam devoto pietatis gratissimæ affectu Sacra Facultas receperit recentem ipsius Constitutionem.

IV. Decrevit in exigendis Candidatorum subscriptionibus utendum esse imposterum Formula præscripta ab Alexandro VII. relata, & confirmata in præsentis Constitutione, quam Rex misit ad Sacram Facultatem. Hujus autem quarti Articuli executio communi consilio suspensa fuit, donec de Regia voluntate consuleretur Eminentissimus Archipræsul.

Die autem quinta Septembris S. Facultas ea, quæ pridie concluderat, confirmavit, Bullamque priusquam ad Parliamenti tabulas relata fuisset, accepit, moxque Decanus unacum sex Facultatis Doctoribus & Syndico Versaliis Regem adiit, ac totius Facultatis nomine eidem exposuit, quam religiosa gratulatione & admiratione prosequatur.

sequatur ordo sacer quotidiana ipsius Sæc. XVII.  
 ad tuendam fidei puritatem, & asseren- A. C. 1705.  
 dam Ecclesiæ authoritatem merita,  
 quam grata Veneratione nuper exce-  
 perit, transmissam ad se unacum Re-  
 giis literis recentem summi Pontificis  
 Constitutionem, quam prompto obse-  
 quio illam in Tabulas retulerit, & ob-  
 servandam ab omnibus Magistris, ac  
 Candidatis unanimi deliberatione fan-  
 xerit.

Ad hæc Rex reposuit, Sacram Fa-  
 cultatem a se semper magno habitam  
 fuisse in pretio ob continua & magna  
 ejus de Ecclesia merita, maxime ob  
 constans & attentum studium amoven-  
 dæ omnis profanæ novitatis, gratum  
 sibi accidisse, quod nuper actum est a  
 Sacra Facultate circa fuscipiendam &  
 executioni demandandam ultimam sum-  
 mi Pontificis Constitutionem: hortari  
 se, ut Sacra Facultas eodem semper  
 Zelo, & animo pergat prodesse & fidei  
 & Regno; satagat imprimis coercere  
 vere & fortiter inquieta, & novita-  
 tis amantia, si quæ modo occurrerint,  
 ingenia; pollicerique Sacræ Facul-  
 tati, nunquam defuturam, si ea opus  
 habuerit, Regiam authoritatem.